



REGIONI AUTONOMA DI LA SARDIGNA
REGIONE AUTÒNOMA DE SARDIGNA
REGIONE AUTONOMA DELLA SARDEGNA



Comune de
Terranova



SU GRODDE E SA UA


-Esopo



B'aiat una borta, unu grodde abbistu
meda e ateretantu famidu. Sa fama
sua fiat manna meda, a su puntu chi
totus sos animales si nche fiant fuidos
dae su buscu in ue istaiant,
pro sa timòria chi si los aeret
mandigados.



A sa fine, su grodde s'agateit
sentza prus nudda de pònnerre suta a
sas dentes e duncas s'animale, ispintu
dae su fàmene, si nch'andeit dae su
buscu e de botu si nche agateit in
intro de una binza.



Dae sas naes de sa bide
falaiant, apicados, bellos
iscaluzos de ua russos e
maduros,
cun pubujones durches e
sutzosos chi pariant un'ispantu
finas a los abbaidare.



Tando, su grodde si peseit subra
de sas francas suas pro
chircare de agantzare carchi
iscaluzu; mancu male, non fiat
artu meda e non resesseit
nemmancu a si nche
astrìnghere a sos pubujones.






A pustis de carchi bia,
s'animale proeit a leare unu
pagu de fua e chircheit de
tènnere sa ua brinchende,
ma fintzas custa borta, non
bi resesseit.

In su mentres, totu a inghìriu a isse,
s'ammuntoneit una truma de animales in
boza de chiscuzare, e su grodde pro non bi
lis dare bìnchida e non fàghere una figura
mala, si nch'andeit cun sas petorras
unfradas e cun fàghere pomposu, nende
a boghe manna:

"Custa ua est ranchida che su velenu".



A s'ispissu, sas
persones faeddant a
mala manera de totu
cussu chi non resessint
a leare o a collire.



Progetu finantziadu
dae sa Regione
Sardigna - Lege
482/1999, articulos 9 e
15; L.R. 22/2018
Annualidade 2024

